

.Ndocibwa na hikyaúlwa úbanda na myemá (Albinos)

M' alushibwa úle ihetanina Miambo ú bana bose (Every Child ministries).
M'anbo wa Kéléshítú wilusha bwiseélelo ô bana bahibélélwá m' Afilika.
Lúmbaka banabiekye ngúsú y'eúlú ya ésé.
Loélo lwa ômbé.

Iba mwemá élée ?

Ibá mwemá ya changana na iyana mishinga ya mweko ihuma úbashúúlúca .Mishinga hekyo ya úmbeleca hiôsa langi ya ngoci ya mweko (pigment or melanin), ya njwéle na meso ishamoneeca byaéne, icangana na bibyo mweko na meso mabo isombana na lwenge lwa cúba hamucunge n'imona 'wamiubakano.

Iba mwemá búekye búlwaci ?

Búpé, tabúekyé búlwaci na tabúcwake 'wikyabúecana. Mwema t'iekýé mlwaci n'gine t'alúkyabúecibwa binaba búngé búlwaci bwikyabúéca n'gine t'anakyabúéca bange lúmbaka lw'iba n'ebo hamucunge. Shieta taúlé bosonwa mwanaúmana ité m'aci na m'lúme(ale mtú ité húnge).

Byacelela ikúla 'yaúlya 'wa mwema hange hilya 'yaúlya 'yatea?

Byacelela. Mwema t'iekýé mlwaci, shieta taúle mishinga yose hilya ya búlwaci 'walé henashiba iba mwema heekye mishinga y'iyana ya mweko.

Búekye búténde Iba mwemá?

Búpé tabúekyé búténdé, hangé tabyakondana. Shiéta hiekye mishinga ya mweko henabash'oyanwa m'bibúci. Ibúkú (Bibilia) lyalúndúbúla byose nibo bana lúle loélo lwa ômbé na pondoloô m'yabo ecumba. Mwema anaba húmo mwinga bana ba lohelo m'yabo ecumba 'ébaló na ésé.

M'acana wa nyemwa anaba na miúbakano inga alola mwemá?

Búpe, ilola húnge mtú talénalusha miúbakano yose helya 'wamwana húle m'nda na m'nyakyé

Alé abúle ibúta mwemá ?

Búpé, mwema hiekye ité bangé batú henashiba ibúcwá lyake talele na bosonwa bosa búlya úbyake bibúci(a Child is always a blessing) chile pelo ibúta mwana Heekye misumbú ibúta mwema? Búpé, mwema inahandú hetanyana na bange batú, ibúcwá lya mwema lile lelyalelya

Myema hiekye na lúbúú lwabo bobene? Hange bale batú bamielebá?

Búpé, mwema aekye mtú ite bangé. Shieta únalúmana na mwema talena 'wateleca ihonya búlwaci bosa búlya ; hangé taúle ngufu cose cilya cinahonya ihetanina bilúmbako bya mwema. Batú balemúcimbelecana na mahikeco mabúpe mam'shinga húkyú. Mwaa wa 2007 batéi ba Tanzania balele makyo mabene úmahikeco mam'shinga húkyú, nibo bilúmbako bya mwema bile na bútúnga. Shieta myema yalúyakwa na taúle wose húlya wahoniné úngyela ya búbú bútei. Zimbabwe úekye ba'waca nibo ilúmana na mwema linabash'ohonya búlwaci bwa AIDs. Malenga mam'shinga húkyo ma nyemena myema y'éaci na bibyo hilushela hebo AIDs.

Mwema ale mtú wa wamá?

Búpé, mwemá hiekye mtú ité bangé. Myema hiekye na búbasha bw'ilenganya ité bangé batú na n'giné banaba basoka. Inga talé múeta byangene, byake bibúci biléngye ikelea búbasha bwa make meso. Hange banaba tabalé momona byangene úmbelé m'masomo na bilya n'gine bikyanga b'isoma. Shiéta, héle benebene mwemá hiekye na miúbakano y'imona boéboé. Shiéta anaúcwá isoma byaéne. Inga anahebwa m'wateleco w'imona boéboé, anaeta byangéne m'masomo mange mose.

Inga cico ngyéla tacabash'i'watéléca imona, aétéé?

Bile byaéné alolwé na m'n'ganga wa lúbúô lwa meso na bilya n'giné túloleci túnám'watelec'irona boéboé icangana na make meso. Bangé bana'watelecibwa na aloleci am'obôô isomena, n'gine bangé banaba ité bahou Shiéta baléngye ihebwa mahikeco m'isoma n'ilama ité m'hou lumbaka 'wa mwemá imona byaéne talyacangana na bososhi bwa maandeo Shiéta úle langi c'anamona byaene na cinge túéte.

Túloleci twa myema túkyolongwa lumbaka lwabo inose?

Héle benebene nibo túloleci twa cúba twa'wateleca manga úbanda na niengé ya cúba. Tatwa'wateleca ihonya , Shiéta twa'wateleca icibela niengé ya cúba. Bilya n'gine túko 'wateleca hionja búleké bwa cúba úmabo meso.

Mwema analama mia henga?

Mwema analama mia na mia ité húnge mlangasenge Inga taúbakanyibwa na búlwaci bwa cancer icangana na lwengé lwa cúba úwaké mweko. Úekye myemá ya Hermansky-pudlak syndrome, heyo hekyóubakanyibwa na ikelwa mshi. Shiéta búlamu bwabo búna fela. Bibyo, mwemá analama ité húnge mtú hose húlya lumbaka iba mwemá t'I' wa.

Mwemá anaconda n'ibúta bana?

Benebene, anabúta bana na n'gine ana sembeleca bolongo. Shieta alengye iúngwa wake mweko (isembelecebwa)bikyanga byose.

Búlamu bwa mwemá búle bile?

Úlé mwemá yaéta bitú by'ésoshi m'balangasenge. Húmo m'bilomboci(bami) ba Japan abele mwemá, bilyan'gine bakembi na base'ya bamanga héle myema. Bakúci na bahikeca bangé héle myema. Makelelesho mabo macangana na ihitúma hamucunge na m'wateleco w'ébúndé. Ichangana na bosombani bwa yabo myeko na cúba, túci tw'aoploco (ndani) itúlengye n'ebo

Halé baombaka na miséa ya myemá babeni baúbakana manga?

Bose baúbakana biléngyé

Myemá héle m'Afilika inose?

Bolongo bose bw'ébaló búle na myemá henashiba manga yabo héle m'Afilika am'milo. Shieta nyama n'echo cile na myemá .

Bana bose banaba myema Inga húmú m'bibúci ale na mwemá

Búpé, Inga bibúci bile na mikyengye y'ébúci 'ya myema yasha kela ibe banabúta mwema húmo mwingi mwa bana banaci (1/4).

Ômbé a'watelecaka myema ?

ômbé ale m'wateleca wa bibúmbwa byose. Ibúkú lyake lyatenda taúle eekye 'yasalúbúmbwa naké. Kéléshítú atenjile nibo malúba mahisenga 'walé (Matayo 6 :26, 28). Ômbé aúnda batú bose bilengyé. Bibyo ômbé aúnjile ébaló manga nim'lusha wake mwana w'eninga lumbaka hose húlya wa m'waca t'acimine shieta abé na Búlamu bwa alé na alé (Yohana 3:)

Miambo ú bana bose (Every child Ministries)

Tanzania

www.ecmafrica.org

Malongwá na Miambo ya bana bose
Bwiseélelo bwa bana bahibélélwá m'Afilika
Email: ecmafrica@ecmafrica.org
'ya kalúlwa m'ebembe na Evangelist Choma Elias